



Jenexi 1




Apitoryme kapu
tyrise Ritonōpo a,
nono roropa.




1

Sero sā pyra, typōke
pyra sero nono kynexine,
onokyro pyra, otyro pyra,
tuna rokene. Xinukutume
rokē kynexine tuna
konōto po, Ritonōpo
Zuzenu toytose tuna
epozakuroko.



2

— Saereme exiko! tykase Ritonōpo. Mame tōmehpitoše, saereme toehše. Moro tosehapse eya saeremāme, moro xinukutumā tosehapse eya “kokome”. Morarame tōmehše rahkene, moro aēmehpitory osemazupu kynexine.




3

Mame ynara tykase Ritonōpo: — Tuna atapiakako, zokonaka onuhtohme! Moro tosehapse eya “kapume”. Xinukutu, sā, moro asakoro aēmehtoh kynexine.


4

Morarame tōmiry ke tuna amerehmā zopino tapiakase Ritonōpo a, esaka tyripose, nono osenethme! Mame moro sā toehše, nono tonore! Moro “nonome” tosehapse Ritonōpo a. “Tuna konōto” me moro tuna tō tosehapse eya. Mame morohne eneryke tyya Ritonōpo zamaro inyrytā kynexine.




5

Morarame ynara tykase ynororo: — Awahtako emero rokene, tykase otytyko a, toperē exiko tupuhtuke roropa oehthme! Mame morara toehše kehko. Xinukutu, sā tōmehše oseruao aehtopo.




6

Asakoro ezuru konōto tō tyrise eya: zumono saerekatohme saereme te, zumo hkopyra exikety saerekatohme koko. Xirikuato tō tyrise roropa eya. Xinukutu, sā tōmehše, 4me aehtopo.




7

Morarame ynara tykase Ritonōpo: — Nakuaōkōme ehtoko, kana tomo pehme tuna ehtohme isene exiketō ke, torō tōme roropa ehtoko taporihkāme kae ytoketōme! Xinukutu, sā tōmehše, 5me ehtopo.



8

Morarame ynara tykase Ritonōpo: — Nono poro ytoketōme ehtoko, onokyro tomo, okyno tōkehko, zakare tōkehko, tykase. Morara exiryke moro sā toehse.



9


Mame ynara tykase ynororo: — Eropa, ahno syritase kysā exikety. Mame kana esēme exīko mā toto te, torō tō esēme te, okyno tō esēme te, onokyro tō esēme, emero nono poro ytoytoketō esēme roropa.

Morara exiryke tynrytyā eneryhtao tyya Ritonōpo zamaro inyrytyā kynexine. Kure rokē kynexine. Xinukutu, sā tōmehse, 6mano.




10

Naeroro tynarykahpyry po Etē po mokyro orutua tyrise Ritonōpo a tupito poko aerohtohme otyro arykatohme.



11

Mame ynara tyripose ynororo eya: — Wewe epery emero ekarōko ase oya anapyryme, toiro wewe epery rokē tuarōtatoh zae ehtoh poko te, popyra ehtoh poko roropa, moro epery rokē osenahno. Moro epery onenahpyra exiko, ynara exiryke, tonahse oya ahtao moro ae ro orihnōko mase.




12

Torō tō tosehapse eya, okyno tomo, onokyro tō roropa emero tosehapse toh eya. Yrome toto maro akorehmane onenepyra kynexine imaro exiketyme.



13

Naeroro mokyro tynymapose Ritonōpo a ironaka. Tynyhse ynororo ahtao aoropary zehpyry toiro touse Ritonōpo a. Mame ipū tapuruse ropa eya. Moro aoropary zehpyry tyrise nohpome Ritonōpo a. Tarose ynororo eya orutua a.



14

Morara exiryke orutua kō tumy rumekāko, tyse rumekāko roropa mā toto tpyty maro rokē toehtohme. Mokaro asakoro toiro pūme exīko mā toto.



15

Ritonōpo sero nono pōkō pyno ipunaka. Morara exiryke Tumūkuru toirō tonehpose eya, emero porehme enetupuhtohme tosēkōme, orihpyra ehtohme, jūme imaro ehtohme.



1



60

16

Romanos 3:23 Kymarokō emero tyrypyhpyke. Osepune pyra sytatose, Ritonōpo kure exiry maro.

Romanos 6:23 Ynara exiryke, kyyrypyrō epehpyrime orihnōko sytatose. Yrome Ritonōpo nekarohpyry ke orihpyra sytatose jūme. Jezu Kyrixtu Kuesēkō marōme exīko sytatose, toorihse exiryke kymyakākōme.

Eperu 9:27 Toipe sytatose. Emero porehme orihnōko sytatose toiro. Moromeīpo kuapiakatorīko Ritonōpo mana.

17

Epezu 2:8,9 Naeroro tamoreme opyno xine Ritonōpo toexiryke typynanohse matose. Okurākatorīko roropa mana kure oexirykō pokoino pyra. Jezu enetuputyryke rokē oya xine okurākatorīko mana. Topehke pyra, tynekarory kurā sā, Tumūkuru tonehpose aorihthohme, okurākatohkōme. Naeroro epyrypasaromepyra matose Ritonōpo poenōme oexirykō poko. Kure oexirykō pokoino pyra tukurākase matose Ritonōpo a.

Romanos 10:9,10 Jezu orihxīpo tōsemākapose ropa Ritonōpo a. Moro enetuputyryhtao oya xine imehnō zurūko matose: “Jezu Jesēme mana,” āko matose imehnomo a. Morara awahtao xine opynanohtorīko Ritonōpo mana. Ynara exiryke, kukurohtao xine enetuputyryhtao kyaa xine kukurākatorīko Ritonōpo mana. “Zae mase ya,” āko mana kyaa xine. “Jezu Jesēme mana,” karyhtao kyaa xine kypynanohtorīko Ritonōpo mana.

18

João 3:16,17 Ritonōpo sero nono pōkō pyno ipunaka. Morara exiryke Tumūkuru toirō tonehpose eya, emero porehme enetupuhtohme tosēkōme, orihpyra ehtohme, jūme imaro ehtohme. Sero pōkō pynanohse Tumūkuru tonehpose Ritonōpo a, toto onuānohpyra aehtohme.

1 João 5:11-13 Ynara Ritonōpo nekarohpyry sero. Orihpyra kyritorīko Ritonōpo mana Tumūkuru enetuputyryke kyaa xine. Ritonōpo mūkuru maro exiketō orihpyra mā toto. Yrome Ritonōpo mūkuru maro pyra exiketō orihketōme toto. Onenerykōme pape merōko ase orihpīme oehtohkō waro oehtohkōme, Jezu Ritonōpo mūkuru enetuputyryke oya xine.

19

Jenexi 1-2

Storyline by: Edward D. Hughes

Illustrated by: Byron Unger, Lazarus and Alastair Paterson

Adapted by: Bob Davies; Tammy S.

Apalaī Bible (apy) ©2017, Wycliffe Bible Translators, Inc.

<https://live.bible.is/bible/ENAPBT/JUD/1>

©2024 Bible for Children, Inc.
www.M1914.org www.bibleforchildren.org

20